



CONVENIO DE COLABORACIÓN ENTRE O INSTITUTO GALEGO DE PROMOCIÓN ECONÓMICA E A FEDERACIÓN GALEGA DE XÓVENES EMPRESARIOS PARA A REALIZACIÓN DE ACTIVIDADES RELACIONADAS COS SERVIZOS DA UNIDADE GALICIA EMPRENDE

MEMORIA XUSTIFICATIVA

O Director do Area de Competitividade do Instituto Galego de Promoción Económica (IGAPE)

DECLARA:

Que este Ente ten previsto formalizar coa Federación Galega de Xoves Empresarios (FEGAXE), o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2017.

Que o instrumento convencional ten por obxecto:

establecer as liñas de colaboración entre a FEGAXE, que permitan o desenvolvemento de actividades relacionadas cos servizos da Unidade Galicia Emprende.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

FEGAXE é unha entidade sen ánimo de lucro e de carácter multisectorial, constituída en data 28 de novembro de 2008 e inscrita ante o Servizo de Relacións Laborais, da Dirección Xeral do mesmo nome dependente da Consellería de Taballo e Benestar da Xunta de Galicia, con número de depósito 72-1051-2009.

FEGAXE ten entre os seus obxectivos, dentro do seu ámbito autonómico de actuación: promover vocacións empresariais entre os mozos galegos, fomentar o autoemprego e a creación de empresas, atender as necesidades de información, formación, asesoramento e perfeccionamento dos seus membros, actuar en apoio da empresa e aumentar a colaboración e desenvolvemento de sinerxías para potenciar ás empresas socias das distintas asociacións membro.

FEGAXE integra ó colectivo de empresarios menores de 40 anos da Comunidade Autónoma de Galicia, de todos os sectores de actividade, converténdoa nun interlocutor privilexiado cos xoves empresarios e emprendedores. Así mesmo, FEGAXE integra a todas as asociacións provinciais de xóvenes empresarios existentes na Comunidade Autónoma.

FEGAXE ten representatividade relevante no empresariado xove galego. É a primeira e única entidade galega recoñecida a nivel nacional que agrupa e defende os intereses dos xóvenes empresarios e emprendedores galegos. Ter o respaldo da CEAJE (Confederación



Española de Asociaciones de Jóvenes Empresarios) e pola CEOE (Confederación Española de Organizaciones Empresariales). Agrupa a cerca de 1.000 empresas en toda Galicia.

FEGAXE ten ampla implantación xeográfica no territorio galego por ser unha federación de Asociacións de Empresarios (AJE A Coruña, AJE Ferrolterra, AJE Pontevedra, AJE Vigo, AJE Lugo e CJE Ourense) con ámbito de actuación nas catro provincias galegas con medios axeitados.

FEGAXE ten carácter multisectorial. Todas as iniciativas son susceptibles de ser apoiadas sen ter en conta o sector onde se desenvolve a actividade, que está relacionado con espírito de universalidade de servizo da Unidade Galicia Emprende.

FEGAXE centra o seu apoio nas novas empresas e novos emprendedores galegos, pero con especial atención as necesidades específicas das iniciativas novas, pequenas, e innovadoras, que non están suficientemente significadas noutras organizacións, e que son os principais destinatarios dos servizos de Unidade Galicia Emprende.

IGAPE, ente de dereito público con personalidade xurídica e patrimonio propios, creado para impulsar o desenvolvemento competitivo do sistema produtivo galego, promovendo actividades que contribúan á creación de emprego en Galicia e a un desenvolvemento económico harmónico, equilibrado e xusto, baseado nun tecido industrial moderno e competitivo.

O IGAPE ten establecido entre os seus principais obxectivos fomentar a creación de novas empresas, promover a mellora da produtividade e competitividade daquelas, atraer investimentos foráneos e facilitar a internacionalización do tecido produtivo e, en xeral, apoiar e promover calquera tipo de actividade que contribúa á mellora do sistema produtivo de Galicia.

A Lei 9/2013, de 19 do emprendemento e da competitividade económica de Galicia, na Disposición Adicional Segunda establece que o IGAPE, será o instrumento esencial da Consellería competente en economía para desenvolver e aplicar as medidas especificadas no seu Título II, «Medidas para estimular o emprendemento e a actividade emprendedora», e terá a consideración de entidade instrumental do sector público autonómico con competencias en materia de emprendemento.

No artigo 8.1 da citada Lei 9/2013, establécese a creación da Unidade Galicia Emprende como programa transversal de información, orientación e avaliación das persoas emprendedoras.

No punto 8.2 recóllese que regulamentariamente se establecerán as condicións, características e composición da unidade, que poderá estar composta por todas as persoas e entidades con domicilio social e fiscal en Galicia que soliciten a adscrición á unidade como axentes.

A Unidade Galicia Emprende é polo tanto, unha entidade na que terán acceso outras entidades que desexen e poidan aportar os seus recursos e coñecementos á consecución, de



xeito coordinado e con requirimentos comúns, por parte do IGAPE, aos obxectivos que establece a Lei.

Antes da publicación do regulamento da Unidade Galicia Emprende, que estableza o convenio de adscrición á unidade como axentes, é posible que se establezan instrumentos de colaboración específicos e limitados con organizacións que teñan know-how e estruturas significativas, no eido da actividade emprendedora, que colaboren ao desenvolvemento temperán dos servizos da unidade.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela.

O Director do Area de Competitividade do IGAPE